

是遭賊失衣比丘若有比丘遭賊失衣得著  
外道衣外道衣者若鳥毛或木板衣得著無  
罪然不得轉見受邪見法若失衣比丘入寺  
若有僧衣者與僧衣若屬房衣比丘入房住  
若不入房住得以此衣與若無衣得以敷具  
隱囊替與比丘著若破壞不須償若檀越施

衣應還僧衣失衣比丘入寺若無僧衣得從

非親里居士乞失衣比丘得自己爲他乞不

犯惟不得乞金銀法師曰餘次第文句易可  
解耳不須廣說此戒從身心起具三受從非  
親里乞衣戒廣說竟

十五末

叔四

善見毗婆沙律卷第十四

椰子上羊遮反誘誅下思律反溉灌上古愛音既下音貫長衣  
上音簪縫下音達反迦繯下音刺縫同迦陀上音刺縫下音達反一捲下巨反刺緣上七亦反禪卑音知反浣浣二同

反匿尼力反陪壞芳武反一族族日曝下音反自鑽火上子音反革屣革屣下所

暴音煥援藥樵二同自鑽火上子音反革屣革屣下所

細緻下直利反中路中上去聲裸形上玄瓦反

蕭齊外國沙門僧伽跋陀羅譯

平江路磧處聖寺比丘清宇伏觀本寺刊雕大藏經板發心捨  
施中鈔三定助刊經文集于功德上酬

佛祖深恩下報生成重德乞保袈裟堅固福壽增崇普  
爲有情同圓種智者大德十年九月日意願

善見毗婆沙律卷第十五

叔五

蕭齊外國沙門僧伽跋陀羅譯

余時佛住舍衛國祇樹給孤獨園精舍多將  
衣者檀越聞比丘失衣人人與衣自恣請者  
檀越語比丘言若有所須隨意取是名自恣  
請上下衣者安陀會鬱多羅僧受僧伽梨是

乙

勝之

故律本中說若比丘失三衣得受上下衣餘  
一衣餘處乞若失二衣得受一衣若失一衣  
不得受若比丘尼失五衣得受二衣若失四  
衣得受一衣若失三衣不得受若親友若自  
恣請檀越若自己物隨意受此戒具六事非  
想得脫此是制戒身業口業具三受上下衣

## 廣說竟

尔時佛住舍衛國祇樹給孤獨園精舍衣直者金銀錢若檀越檀越婦欲持直爲比丘買衣比丘知已即往勸言若爲我作衣者當使織者下至增一線若得此衣尼薩耆罪若檀越欲作大勸使小欲多直買勸令少直若隨檀越作如是得衣無罪若親里若自恣請檀越如是勸作不犯若爲他勸益不犯法師曰次第文句易可解耳不須廣說第二非親里居士爲比丘辦衣價多居士爲異餘文句如前戒說尔時佛住舍衛國祇樹給孤獨園精舍語居士言汝可持此衣直買衣與某甲比丘如是語已五十罰者罰五十迦梨娑槃直待大德者大德我今日有事願大德待過今日明日當與玉臣者食王俸祿是名玉臣遣使者遣人送也將者將至比丘所取淨者若得淨物我當受也淨物者衣服湯藥是名淨

物若守僧房者爲僧驅使人也日令知者我已語守房人若大德須衣往其所當與大德衣居士我須衣者告令知也隨解語知也第二第三亦如是索若得者善若不得者第一口不語立不坐若檀越喚教坐不得坐若與飯食亦不得受乃至飲亦尔若請說法呪願悉不得爲說若檀越問言以何因緣來至此荅言居士自當知若得者善若不口語索得十二默然求若一語索破二默然二語索破四默然若三語索破六默然乃至六語索破十二默然若更往索得衣者尼薩耆若一日  
叔五  
二

一往一索如是得六日往若一日一往六語語索後不得更往索亦不得默然若不得衣隨衣價來處往語言我於汝財竟不得用汝自知莫使失若不得衣應自往報衣主不得使人往報若使人報犯突吉羅罪法師曰執事人有二種一者指示二者不指示指示有

二種何者二種一者比丘指示二者使者指示不指示者復有二種一者自不現前二者他不現前是名四執事人法師曰云何使者指示答曰若有居士爲比丘買衣使者往至比丘所使者到已語比丘言大德某居士遣我送衣價願大德受比丘答言此是不淨物比丘不得受使者復言大德有執事人不比丘答言無使者自覓執事人得已將至比丘所語比丘言此人能爲大德作執事人即持直付執事人使者對比丘前語執事人汝可持此直買衣與比丘若有執事人比丘語使者言執事人在某村某處名某甲使者往至執事人所語執事人言汝可持此直買衣與某甲比丘付已還至比丘所語言大德所示執事人我已付衣直大德須衣往取使者付衣直已若不自來報比丘遣人來報語比丘言大德所示執事人已付衣直大德須衣往取當與大德衣是名四種執事人是故律本

壹五

三

中說比丘若有執事人信心敬法可以直付之若汝等須衣當往取當取淨物不受金銀以此因緣方便可得受金銀除此無受金銀法若使者語執事人可持此直買衣與某甲比丘使者付執事人衣直已不報比丘比丘不得就執事人求衣若求得衣突吉羅罪若有居士持金銀往比丘所語比丘言持此金銀與衆僧願大德受爲作僧伽藍作食堂若園田比丘不得受若受得突吉羅罪教令付淨人後得爲處分料理若使人不解比丘得教淨人爲受後得隨處處用若居士持金銀布施衆僧教作飲食衣服湯藥卧具不得自受若衆僧受金銀後得飲食衣服受用得突吉羅罪若衆僧不受居士不解將還知律比丘路見語言汝與衆僧何以將歸居士聞已解即還付與淨人若居士布施隨處用比丘不得迴換若迴換餘用者突吉羅罪若施作房舍住處乏食衆僧各欲散去無人守護得

減房直雜食以供守房舍人食若如此迴換用者無罪若四方衆僧房舍物若住處無食衆僧欲散去得減房物以供食用何以故爲守護住處故雖尔不得盡用若居士布施田地比丘不得受云何得受比丘語居士言比丘法不得受田地居士語比丘言此田地中能生四種淨物用供養衆僧若如是者得受若居士言以池布施衆僧使洗浴浣濯及一切衆生飲隨意用若如是施池得受若居士不解語但言施池比丘答言出家人法不聽受池若布施淨水當受居士答言善哉大德本施水如此言得受若居士猶不解語但言布施而已於後命過比丘不得受用若居士有兒孫比丘應教兒孫布施若斷種無兒孫可向聚落老宿言此居士不解布施命已過比丘不得受用長者自知長者語比丘言弟子以水布施衆僧若如是布施者比丘得受用無罪不得受金銀錢若居士持米布施及

甘菓衣服飲食一切得受若居士自施淨食得受不得自爲身教居士及淨人作飲食若得亦不得食法師曰往昔有一比丘在質多羅山住欲得餅食出庭前見諸居士以水溼地現爲餅相發口言云何得如是餅明日供衆僧居士即解己便還家中作如是餅明朝持來供養衆僧上座知不受諸下座見上座不受亦各不受往昔知足比丘現相如是猶不得食況今爲身求而得食也布施園不得受如前說無異若布施阿蘭若處及林得受後人破林爲田得米甘菓飲食得受若不與不得強責若前破林爲田人罷後人來作應責直何以故爲已成田故若有人欲賃田不得受金銀淨物得受若賃田人不知處所問比丘若有知畔齊應示處所若不知勿妄示或若有人布施衆僧奴不得受若言施淨人或言執事人得受若衆清淨人若朝爲衆僧作食中後自營覓中前得與食中後不得與

食衣一切不得與若半月爲衆僧驅使得與  
衆食半月自作衆僧不得與衣食若都不爲  
得受若不與不得就責也若施牛羊不得受  
若言施乳酪等五味得受餘一切畜生亦尔  
法師曰次第文句易解耳王臣戒因緣本起

叔五

五

身心口業三受此是制罪不以不知故得脫  
尔時佛住阿羅毗城憍貳耶敷具者平地布  
置以酢漿灑雜者乃至雜憍貳耶一毛尼薩  
耆憍貳耶毛者絲中微細者是也此敷具是  
氈作非織物也法師曰次第文句易解耳尔  
時佛住毗舍離城於高閣講堂純黑羶羊毛  
者不雜餘毛次第文句易可解耳不須廣說  
純黑羶羊毛竟尔時佛住舍衛國祇樹給孤  
獨園精舍安邊者以少白毛置邊也律中已  
解不須廣說尔時佛住舍衛國祇樹給孤獨  
園除病比丘者若病比丘欲往餘處嫌卧具  
重不能將行衆僧爲羯磨得作新卧具若病

未差得隨意作若病差已更發不須更羯磨  
得用先羯磨法師曰次第文句易可解不須  
廣說

尔時佛住舍衛國祇樹給孤獨園精舍尼師  
壇戒中諸比丘我欲入靜處三月日法師曰  
世尊何以入靜處三月日世尊遍觀衆生於

三月中無得道者是以入靜處三月我入後  
當有如是事比丘旣聞我語已必立非法制  
優波斯那明捷陀子當破此制入至我處我  
見已當得讚歎因優波斯那明捷陀子多比  
丘受頭陀法來得見我我靜處三月竟將諸  
比丘案行諸房見尼師壇處處狼藉因尼師  
壇我當爲比丘結戒世尊作是念已即靜處  
三月日於是優波斯那明捷陀子往至佛所  
者長老優波斯那與弟子年未滿二十受具  
足戒得突吉羅罪於騫陀迦中呵責言汝癡  
人汝未滿十臘云何而輒與未滿二十年人  
受具足戒復不解教授乃遣餘人教授優波

斯那得呵責已禮佛而去心自念言我是善男子出家非惡心出家云何爲弟子故而得呵責我當去十由旬住教授弟子令威儀齊整如我無異然後往問訊卅尊因弟子威儀如法故而得讚歎是故律本中說佛問比丘汝心樂者納衣不比丘答言實不樂者爲隨

叔五

六

師故著佛即讚言善哉善哉優波斯那善能教授弟子威儀具足佛告諸比丘者佛見尼師壇處處狼藉佛告諸比丘信心布施使得受用莫令損失佛已種種方便者佛以無數方便爲諸比丘說法故尼師壇者下至一經坐是名故也取少許者四邊隨取一邊或方或圓取帖新者上若不能帖細擗雜新者你亦得法師曰餘次第文句在律中不須廣說因緣本起如前尼師壇戒竟尔時佛住舍衛國祇樹給孤獨精舍擔羊毛戒弄者居士道路逢見比丘擔羊毛問言大德擔此羊毛何處去何處販賣也賣堪幾直比丘聞諸居士

戲笑弄已比丘行至寺已瞋恚擗地諸比丘問言大德何處將此羊毛來而瞋恚擗地比丘答言我爲此羊毛故爲諸居士之所調弄是以瞋恚擗地自擔者以鬱多羅僧裹而自擔也過三由旬者自擔過三由旬無人代也隨毛多少一一犯尼薩耆罪至三由旬已放

地若以杖撥或以腳轉過三由旬皆尼薩耆罪至二三由旬若虎狼賊難擔出三由旬悉尼薩耆罪若三由旬內爲賊劫奪劫奪已後還比丘比丘復得擔三由旬不犯無罪者欽婆羅尼師壇已成齋不犯三由旬內不犯至三由旬已有人代擔過三由旬不犯擔羊毛

叔五

七

者下至塞耳過三由旬犯罪法師曰餘次第文句易可解耳不須廣說此戒從身心起不知故得脫羊毛戒廣說竟尔時佛在釋迦瘦迦維羅衛尼拘律園浣羊毛戒者妨廢坐禪誦經者比丘尼由爲六羣比丘浣染擘羊毛故是以妨廢餘文句易可解耳浣染擘

羊毛戒竟尔時佛在羅閱城耆闍崛山中金銀戒者金者珂珊瑚琉璃一切諸寶及販賣之物是金種類是故律本中說下至樹膠錢爲身捉尼薩耆若爲僧若爲衆乃至一人若爲像捉悉突吉羅罪無罪者不自受不教人受若居士持金銀布施比丘比丘答言不得受居士復言大德我捨心布施已定不得將還放地而去比丘見居士去已比丘留守看又有居士見比丘住此住問言大德何以住此比丘答言有居士布施此金銀比丘法不得受此居士向比丘言大德大德既不得受

布施弟子比丘默然居士承取持去後居士以此金銀易飲食衣服淨物與比丘比丘得受若無解法人金銀在屋中閉戶莫使失若有賣衣鉢人比丘喚來示金銀語賣衣鉢人言貧道須此衣鉢有此金銀居士自知若無賣衣鉢人有賣非時漿七日藥盡形壽藥將來至金銀所語言有此金銀衆僧須此藥居士自知得藥已衆僧得食用金銀主比丘不得食用餘白衣淨人乃至畜生悉不得食何以故爲衆僧物故若不得藥金銀主置而去更無方便得受若見優婆塞喚來教擲去優婆塞言此金銀何以擲去我當拾取比丘答言隨意若優婆塞解法持易衣鉢來與衆僧得受若無優婆塞可教擲去衆僧應白四羯磨一比丘知五法者將此金銀使閉目擲去莫記處所若記處所突吉羅罪受施用有四種法云何爲四一者盜用二者負債用三者親友用四者主用問曰云何盜用答曰若比丘無戒依僧次受施飲食是名盜用云何負債用若比丘受人飲食衣服應先作念若不先作念而受衣食是名負債用若有聰明智慧信心出家比丘至受食時口口作念若鉢根者未食時先作一念若鉢根比丘受用衣時應朝先作一念利根者著作念房舍牀席

臥具一切受用信施應先作念若不先作念是名負債用者若不爲障寒障熱及障慚耻而用衣若不爲飢渴疾病而受飲食湯藥亦名負債若受飲食衣服不先作念突吉羅云何親友用七學人受用施物如子受父物無異是名親友用云何主用真人羅漢受用施物法師曰於四種受用中盜用最惡復有四種受用云何爲四一者有慚愧用二者無慚愧用三者有法用四者無法用云何有慚愧用無慚愧人親近有慚愧人受用無罪是名有慚愧用云何無慚愧用有慚愧人親近無慚愧人受用得罪是名無慚愧用有慚愧人親近無慚愧人後必當隨其作惡故名無慚愧人無慚愧人親近有慚愧人後必當改惡修善是名有慚愧人云何有法用若有慚愧人用法而得是名有法用云何無法用無慚愧人不用法而得若得此物如得毒藥無異是名無法用法師曰餘次第文句已在律中

收五

不須廣說此是制罪身口心業三受受寶戒廣說竟販賣寶戒者非一種作者或已成器或未成器頭物者華釵一切頭所用悉是頭物鎔鉗鉗鑲種種身所裝梳是名成器以成器易未成器以未成器易已成器以突吉羅易尼薩耆波夜提以尼薩耆波夜提易突吉羅問曰云何以突吉羅易尼薩耆波夜提答曰以銅錢易金錢亦得尼薩耆波夜提是名突吉羅易尼薩耆波夜提以金錢易銅錢是名尼薩耆波夜提易突吉羅若以寶易鐵以此鐵作鉢作斧隨作一一作器悉不得用若用突吉羅罪法師曰餘次第文句易可解耳因緣本起如前戒無異種種販賣戒律中已解更無異義不復重出若畜長鉢過十日尼薩耆波夜提尼薩耆鉢不捨不懺悔若用突吉羅罪無罪者未滿十日若說淨若受持法師曰新鉢幾熏堪受持答曰若鐵鉢五熏堪用若土鉢二熏堪用若買他鉢未還直不得

受持若鉢主言但用然後還直鉢主雖作此語亦不得受持還直然後受持若買鉢已度直竟鉢主爲熏竟報比丘比丘不往取過十日犯捨墮若鉢主熏竟人知熏竟傳向比丘道比丘雖聞語過十日不犯要聽鉢主報後過十日對人說受若無人得獨說受若失受

持者罷道死轉根捨穿是名失受持破穿如粟大失受持若以鐵屑補得受持因緣本起如前無異長鉢戒廣說竟舍衛國五種藥者生蘇熟酥油蜜石蜜酥者一切淨肉乳亦可飲蘇亦中作藥問曰七日藥蠅蟻落中得服不答曰漿去得服若今日受酪訖蟻落中蘇爲七日藥不即鑽蘇至第七日鑽得蘇此第七日得服若至第八日尼薩耆油石蜜亦如是若非時受酪非時鑽若非時受蘇不得服油石蜜亦如是若鬼病須生肉生血得差聽服惟除人血不得服若得蘇已說內置器中此器已盛蘇器中有蘇出與新蘇共合應更說

叔五

十

若蘇至第七日若失若與白衣沙弥若還與蘇若沙弥布施得食無罪未滿七日布施沙弥至第八日若有急須用得就沙弥乞食無罪法師曰餘文句已在律中不須廣說此七日藥戒廣說竟此是制罪非性罪從身心起舍衛國佛聽雨浴衣者於騫陀迦因毗舍佞性母故聽受雨衣餘一月未至夏者應作雨浴衣浣染縫治四月十六日雨浴衣浣染裁縫不須說淨亦不得用五月一日受持用竟雨時四月合春末十五日一百三十五日用若春末月不得雨浴衣入夏方得即受持用非求雨浴衣時者從九月半至四月半以還此非求雨浴衣時若求尼薩耆若有雨浴衣不用裸形洗浴突吉羅罪四月十六日求雨浴衣不足若有望得處得停置為足故若得足者應受持若不足得停置乃至九月半不須說淨若受迦鄰那衣得停至正月半不須說淨若三衣不足迴用作袈裟若少不足有望

得處得停至一月若是者作衣若不足應說淨若受持若不說淨不受持至三十一日尼薩耆無罪者若少者從親里乞若自恣請檀越乞不犯法師曰餘次第文句律中當廣解不須重說恐怖戒者住阿蘭若處有二種一者長在阿蘭若處二者三月在阿蘭若處比

叔五

十一

丘阿蘭若處住衣服敗壞得還聚落僧房住爲治護衣故若治護竟還復阿蘭若處住得迦提月賊者迦提月無雨秋賊起見諸賊殺人奪物比丘恐怖者畏失三衣三衣中隨一衣寄聚落中恐怖者若自見賊若聞人道是名恐怖若阿蘭若處衆僧多房舍堅密不須寄衣聚落寄衣已六夜一往看見衣已還阿蘭若處除僧羯磨法師曰餘次第文句律中已說不須廣解迦施者檀越飯佛及僧欲施衣比丘自迴向己初教迴向己突吉羅罪得物入手尼薩耆波夜提罪若迴施與他乃至畜生欲與此畜生迴與彼畜生得突吉羅

罪欲供養此像迴與彼像悉突吉羅罪無罪者若不知與僧法師曰三十事廣說究竟無遺餘次至九十事汝等一心聽妄語戒中詞多者此是大德名也釋種出家有八萬人詞多亦在其中性好談論與外道論義時自知理屈便違反前語若外道好語時便迴爲己語自知理僻言是外道語若剋時與外道論義語外道言中後當論義自中前來語諸檀越言即時論義自上高座語諸檀越言外道那得不來必當畏我是故不來自下高座而去中後外道來見比丘不得便呵責言沙門釋子言知正法云何故妄語妄語者口與心相違亦名空語也不犯者欲說此悞說彼妄語戒廣說竟此是性罪毀譽語者欲令彼蓋也無罪者惟除教授此是性罪毀譽語廣說竟兩舌若兩舌鬪亂比丘比丘尼波夜提餘三衆突吉羅白衣亦突吉羅此是性罪兩舌廣說竟同誦句者有四種何者爲一者句

二者隨句三者隨字四者隨味何者爲句偶  
中句一句是名一句何者隨句次第二句是  
名隨句何者隨字隨文字而說是名隨文字  
何者隨味同字異義是名隨味有字義味是  
名爲句若教未受具戒人諸惡莫作未受具  
足戒人同聲而誦波夜提若師言諸惡莫作

叔五

十一

未受具足人抄前而誦諸善奉行同聲而誦  
師得罪師言諸行無常弟子言無常亦得波  
夜提若長行同者隨字得罪佛語者一切律  
藏阿毗曇藏修多羅此是佛語聲聞語者阿  
能伽那正見經阿菟摩那經周羅卑陀羅摩  
訶卑陀羅是名聲聞語梵志語者一切外道

梵志一品是名梵志語天人語者魔王梵王  
帝釋一切天人所語是名天人語同誦不犯  
法師曰若佛涅槃後迦葉爲上座五百羅漢  
所集三藏若共未受具戒人同誦此法者得  
波夜提罪

若法師所撰文字共同誦者不犯法師曰同

誦戒廣說竟不前作念者臨欲眠時應先念  
佛念法念僧念戒念天念無常於六念中隨  
一一念若不如是念是名不前念露身者臨  
眼不先作念心即散亂是故露身種種音聲  
或如鳥聲或如牛馬聲諸優婆塞聞已皆生  
譏嫌云何出家人作如是眠佛因是事爲諸

比丘結戒自今以後不得與未受具足戒人  
同房宿時羅睺羅聞佛結戒護持不犯是故  
羅睺羅入佛廁以袈裟敷地而眠羅睺羅所  
以入佛廁屋者以淨潔多人以香華供養是  
故入中而眠明相未出如來上廁先警欸作  
聲羅睺羅在內亦警欸作聲佛知而故問汝

叔五

十三

是誰答言我是羅睺羅佛因羅睺羅故念諸  
沙弥開得二宿法師曰云何房不得共宿一  
切覆一切障乃至以衣縵作屋亦犯壁者乃  
至高一肘半亦名爲壁共宿犯若多房共一  
戶亦犯除別有戶不犯第三明相未出避去  
若不避者令三宿亦不犯第四宿初夜不得

若脇著牀波夜提罪若屋少覆多障不犯多  
覆少障亦不犯若四周屋各向裏開戶共一  
大戶出入亦犯若別有戶不犯若過三宿比  
丘眠未受具戒人眼得波夜提罪若未受具  
戒人眼已起更眠隨眠多少得波夜提罪若  
未受具戒人過三宿未受具戒人眼比丘眠  
俱波夜提罪若比丘起已更眠隨眠多少衆  
多波夜提罪若屋相連接大乃至一由旬同  
一戶出入亦犯屋若有龜鱉窟止穿外邊裏  
邊不通不犯若屋多覆半障突吉羅罪多障  
半覆亦突吉羅罪法師曰餘次第文句易解  
不須廣說同宿戒廣說竟共女人同屋宿戒

者作福德舍擬去來人止宿也共女人同屋  
宿戒已在律中不須廣說爲說法者或說三  
歸五戒或說天堂地獄除有知男子者是人  
男非鬼畜生若有知男子過五六語亦不犯  
五六語者若比丘爲說五六語無罪五六語  
者一偈一句若聲相連不斷一波夜提若句

若非所羯磨處說波夜提除四重十三若說  
餘篇罪突吉羅法師曰餘次第文句已在律  
中不須廣說鹿罪戒竟掘地戒者真地非真  
地今當分別真地者無有沙石瓦礫純土是  
名真地非真地者多有沙石瓦礫少土是名

校五

古

句斷句句波夜提一句經文五句義疏合成  
六句不犯若過波夜提有衆多女人爲一女  
人說法竟復爲第二第三女人說第一女人  
復來聽雖過五六語不犯答問者若女人問  
長阿含中事比丘隨問而答乃至盡阿含亦  
不犯法師曰餘次第文句易可解耳不須廣  
說因緣本起如前戒爲女人說法廣說竟此  
聖制戒前第四波羅夷已廣說竟此中不異  
實得過人法向未受具戒人說竟鹿罪者四重十  
過人法向未受具戒人說竟鹿罪者四重十  
三是名鹿罪除比丘比丘尼向未受具戒人  
說波夜提除僧羯磨者羯磨在其處某處說

云何知可得掘應取少土以水洮看若四分石一分土可得掘若石上土厚四十燥得取若雨已經四月不得取若比丘掘生地掘掘波夜提若比丘語淨人言汝為衆僧掘地及斫木不犯若指示教掘是斫是波夜提若畫地或作字波夜提若把火燒手擲地不犯餘

文句在律中不須廣說掘地戒廣說竟此是制罪從身心起不受語是曠野比丘不受鬼神語因斫樹故傷鬼子臂鬼作是念不應專輒殺出家人當往自佛佛聞此事當為比丘制戒往至佛所具白此事世尊聞已即說偈言若人瞋心起 璞如車奔逸 車士能制止

不足以爲難 人能制瞋心 此事最爲難佛說偈已此樹神即得須陀洹道佛知樹神無住處以天眼觀見樹無主者語樹神言汝可依此樹住問曰此樹在何處答曰此樹在給孤獨園樹神得住止已心自念言世尊大慈賜我宮殿自今以後供養世尊尔時佛爲

叔五

十五

天人說法若有大天人後來前小天人次第退坐乃至海際尔時得道樹神退依樹而住聽佛說法佛晝日爲四部衆說法初夜爲比丘說法中夜爲天人說法後夜爲龍王說法云何知之中夜天人來打戶扇上頭後夜龍王來打戶扇下頭是故天龍之異樹者生樹

也村者此樹八微合成名之爲村樹有五種阿梨陀者黃薑也憂尸羅者香薑也質他致咤者是雀頭香盧捷者黃連也陀盧者外國草名也舍摩者是菩提樹也婆羅醍者具多樹也此二種樹惟見交廣有餘方不見蘇摩那華者其華香氣與末利相似末利華者廣州有其華藤生也蘇羅婆者不得此草名也菩醯那是外國草名也樹有二種一者水生二者陸生優鉢羅蓮華浮萍水生若水中翻覆得突吉羅若離水波夜提若須華葉得攀樹枝下使淨人取不犯不得令枝折若樹高

丘得斫樹掘地以救其命不犯傷草木戒廣說竟此是制罪從身心起餘語戒者以作惡行者不應作以作身口得罪覆者不欲令人知誰得罪者法師曰今當釋其義若有餘比丘問長老得罪將至僧前共判此事於僧前答言誰得罪餘比丘語言長老得罪答言我得何罪比丘言或言波夜提或言突吉羅问我何時得罪語言汝某時某時得罪我作何事得罪汝作某事得罪答言汝道何事如是不隨問答是名餘語若比丘見闡那捉銀錢比丘語言何以捉銀錢答言我捉錫錢非銀錢或見飲酒語言汝何以飲酒答言我飲水語言汝何以與女人獨坐屏處答言有智男子是名餘語或時默然不答若如是非法作餘語答僧得波夜提若實知答僧言我不知得波夜提畏成鬪僧默然不犯餘文句易可解不須廣說此是性罪從身心口業起不隨問

答廣說竟若譏嫌被僧差人波夜提若譏嫌餘人突吉羅此是性罪身口業起譏嫌戒竟若露地敷僧卧具戒冬時者霜雪時也已曝身者寒月取衆僧牀席逐日曝身知時者若人請喫不舉衆僧卧具不教他舉犯法師曰冬日時有四月熱時有四月若不雨時得聚衆僧卧具若兩時不得敷樹下者若樹葉厚密上無衆鳥聚集得敷衆僧卧具不犯若比丘受上頭陀法若在樹下若在空地乃至不得袈裟爲屋不得將衆僧卧具在外受用若能掌護乃至袈裟覆莫令濕得受用若受中頭陀法無雨時露地雨時屋下若入屋下得受僧卧具若檀越見比丘露住爲作衆僧卧具比丘受已若有比丘應付囑若無比丘付囑與近住處若無近住若空屋舉置若無空屋若厚密樹下可縛舉已去若不舉若去時先作念我入聚落不父當還如此去者無罪若入聚落已有八難因緣不得來付囑無罪

若實雨言不雨而去突吉羅牀有四種何謂  
爲四一者波摩遮羅伽脚二者文蹄脚三者  
句利羅脚四者阿過遮脚波摩遮羅牀者檣  
入脚文蹄脚牀者檣與脚相連成也句利羅  
牀者或作馬蹄脚或作羊蹄脚虎狼師子如  
是是名句利羅脚阿過遮脚者脚入檣如是

蓋

十七

牀在露地敷已離中人擲石外波夜提若上  
座囑下座教敷牀已若上座置衣著牀上下  
座得去若不置一物下座應爲摒擋若不摒  
擋囑上座已去無罪若敷已未坐更有比丘  
坐語已去無罪若爲法師敷高座若法師未  
來敷者應守護若法師坐已得去無罪若遷  
提坐階下至木搏去時不自舉不教人舉突  
吉羅若衆僧漆盆水觚曝繩去時應舉置常  
舉亦突吉羅自己物去時不舉亦突吉羅若  
有八難因緣去時不舉不犯法師曰餘文句  
易可解不須廣說此戒是制罪從身心口起

房內敷僧卧具或比次者若彼作比丘比次  
者是枕囊或坐囊若薦席下至草敷去時自  
不舉不教人舉若無籬障去離一擲石外還  
突吉羅二擲石外還波夜提若有籬出籬外  
便犯僧房內敷僧卧具戒廣說竟知他比丘  
敷卧具竟後來惱他比丘波夜提若不知若  
疑亦波夜提若八難因緣不犯惱他戒廣說  
竟是性罪重閣者下至倚立不著頭無罪無  
罪者非重閣者不犯重閣戒廣說竟若重泥  
者若戶兩邊及上頭得二肘半重泥若戶高  
下有壁亦得重泥窓四面亦得重泥何以故  
爲開閉窓戶故覆者覆有二種一者圓覆二  
者蹠覆若一教罷不犯若瓦覆過三節得波  
夜提若過三節隨用瓦多少一一波夜提若  
石灰覆過三節隨用搏搏得波夜提若草覆  
過三節隨用草把把得波夜提若覆不好壞  
更覆不犯無罪者語已去不犯若空處作屋  
過三節覆突吉羅此是制罪知水有虫者隨

因緣知也若自澆若教他澆自澆者隨息一  
一得波夜提若教他澆隨語語得波夜提此  
是性罪從身心口起用虫水戒廣說竟  
教誠比丘尼者大得供養者諸大德爲教誠  
比丘尼故太得利養非比丘尼與亦非比丘  
尼教與此諸比丘尼有是國王女大目女或

叔五

十八

是大富長者女各自還家父母問言誰爲教  
授比丘尼答言諸大德教授我等父母聞已  
發歡喜心即以四事飲食衣服湯藥卧具供  
養諸大德有比丘尼還家說諸大德持戒精  
進學問忍辱貴姓父母聞已增加供養以二  
種因緣諸大德大得利養六群比丘見諸大  
德大得利養便語比丘尼言我等亦能教授  
比丘尼比丘尼聞已往六群比丘所求教授  
六群比丘爲比丘尼說少法已便多說出間  
國土治化飢儉豐熟城邑聚落此等皆是三  
惡道語是故律本中說若比丘有八法堪教  
誠比丘尼何者爲八一者持戒二者守護波

羅提木叉三者威儀具足四者見小罪生怖  
畏心五者堅持六者多聞七者多聞堅固八  
者分別說法初中後善純一清白梵行具足  
正見無邪誦二部波羅提木叉義字分明音  
聲流利爲比丘尼恭敬貴重善能隨順說法  
是名八法持戒者或言戒在身或言持戒不  
犯是名持戒護持者身口意業不犯或言行  
無上法或言受具足波羅提木叉法是名守  
護持威儀具足者不邪命自活不往五處一  
者婬女二者寡婦三者比丘尼寺四者大童  
女家五者黃門亦不往信心優婆夷家是名  
威儀具足見小罪生怖畏者若見小罪如見  
大毒蛇無異是名怖畏堅持不犯者於持戒

叔五

十九

中不生退心是名堅持多聞者解一阿含或  
言二阿含是名多聞堅固者所解阿含堅固  
不失是名多聞堅固初中後善者法師曰於  
毗蘭若婆羅門品以說義字分明者爲人解  
說無疑亂音聲流利者言辯辯了亦不譽吃

返復流利者誦二部波羅提木叉無有滯礙半月半月盡布薩悉知六齋日能爲人說法若誦一阿含二阿含亦知無礙知沙門禪定法乃至阿羅漢果悉知無礙若滿二十歲能爲人受具足戒法師曰何以不言知阿毗曇答曰若能知阿毗曇最善若下根者知律及

修多羅亦得教授音聲流利女人樂聞何以言音聲流利教授比丘尼答曰女人多貪著音聲然後聽法爲比丘尼敬重者此比丘有道德故爲比丘尼所貴重不汚三衆何以言污三衆不得教授若教授者此尼見者不生敬重心滿二十歲者若滿二十歲持法堅同

少有退敗年少輕躁易可退敗是故制滿二十臘堪教誠比丘尼掃灑房舍灑水者所以掃灑辦水者比丘既從遠來宜應供給牀席水漿若無薦席下至草敷若爲尼說法應須一伴不得房中說若比丘尼於路見比丘遠則合掌近應和南乃至王難路濕亦應問訊

夏安居去比丘寺半旬得安居過半旬不得若檀越請比丘尼夏坐無比丘依安居比丘尼欲去檀越語言但住弟子爲請比丘來若請未得至後安居有比丘得住若爲請不得應去若道路有命難有梵行難無比丘得安居不犯若初安居有比丘結安居竟若

比丘有因緣去若罷道若病比丘尼不知後知以結安居不得移住無罪若安居竟不得無比丘自恣應竟半月半月應往大僧中請二法何者二法一者問布薩日二者請教誠法師曰如來何故慇懃囑授比丘尼爲比丘尼女人鉢根故是時比丘尼僧盡往比丘所

五  
二十

受教誠諸人譏嫌比丘尼往白比丘比丘往白佛佛因此制自今以去不得多比丘尼往請教誠聽五人往由致譏嫌佛言聽二三人往比丘尼僧應羯磨差二三人往大僧中請教誠乃至阿蘭若比丘亦應教誠比丘尼云何教誠應作期若樹下若客屋中比丘尼期

叔五

## 善見毗婆沙律第十五

叔六

## 善見毗婆沙律卷第十六

蕭齊外國沙門僧伽跋陀羅譯

漢言路邊生也

今當說般陀根本因緣般陀者  
故般陀母本是大富長者女長者惟有此一  
女作七層樓安置此女遣一奴子供給所須

奴子長大此女便與私通即共奴籌量我人

方廣

共汝叛往餘國如是三問奴子奴子言不能  
去女語奴言汝若不去我父母知必當殺汝  
奴答言我若往他方貧無錢寶云何生活女  
語奴言汝隨我去找我當偷取珍寶共汝將去  
奴答言若如是者我共去此女日日偷取珍  
寶與奴將出在外藏舉計得二人重已遣奴

往不往得突吉羅若比丘不至期處往亦得  
突吉羅比丘尼十四日自恣比丘僧十五日  
自恣若比丘尼請說若不說八敬先說餘法  
突吉羅若說八敬已後說餘法不犯餘答問  
不犯除爲他說尼聽不犯爲式叉摩尼沙弥  
尼說不犯法師曰餘文句易可解不須廣說

此是制罪從心口起三受若比丘僧不差若

往比丘尼寺教誡波夜提

## 善見毗婆沙律卷第十五

叔五

俸祿上房用反羅俗作糲浣濯  
下音濕地上於酢

𦗧古作𦗧羊上奴反搣擊補麥反

翅瘦上音施去下瘦字

鏹徒因鉗鑠上巨鑠兼反漒音聲效上苦頂反衣縵

下莫官反龜鱉下音瓦礫下音水洮下音香

革下莫半反亦作𦗧反鹽呼芳反浮萍下正作萍音

過於割反桂蒲米反擇檔上音當去聲還提坐幕之

之水觚下音反澆古堯反奢吃上居輦反輕躁下音訖即

到類反水觚姑音反澆古堯反奢吃上居輦反輕躁下音訖即